



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

*Komunikadu Imprensa*  
*22 Setembru 2014*

**JSMP organiza semináriu ba estudante sekundariu publiku Baqui-Oecusse**

Iha 18 Setembru 2014, JSMP Unidade Justisa ba Feto no Labarik (WCJU) realiza semináriu ho titlu “Mata dalan ba estudante feto”. Semináriu loron sorin ne’e, partisipa husi estudante feto hamutuk nain 27 husi primeiru too terseiru ano, akompaña mós husi profesora nain 2.

Semináriu ne’e ho objetivu atu motiva estudante feto sira eskolla fakuldade direitu hanesan fakuldade favoritu atu kontinua sira-nia eskola iha universidade. Aleinde ne’e, atu hasa’e kuiñesimentu estudante feto sira kona-ba direitu humanus, tipu krime sira iha Kódigu Penál ho prosedimentu legal iha sistema justisa formal.

Materia ne’ebé apresenta iha semináriu ne’e kobre asuntu direitu umanus, Lei Kontra Violénsia Doméstika, klasifikasaun krime tuir Kódigu Penál, papél juis, prokuradór, defensor no advogadu privadu inklui polisia no organizasaun siosidade sivil ne’ebé fo assistensia ba vítima iha kazu violénsia bazeia ba jeneru (VBJ).

Iha seminariu ne’e, estudante ho professora sira preokupa kona-ba krime violénsia doméstika, abandona, direitu heransa no kestaun barlakiadu.

“Atividade ida ne’e dezeńa atu asegura katak rekursu umanus iha setor justisa formal atinze espetativa ida kona-ba balaun jeneru iha instituisaun sira e’e. Tanba JSMP fiar katak ho numeru rekursu umanus ho balansu jeneru ida ne’e ekilibriu iha instituisaun judisiariu sira bele kontribui diak liu ba prosesu halakon violensia hasoru feto,” dehan Diretór Ezekutivu JSMP Luis de Oliveira Sampaio.

JSMP observa katak setor justisa dezeńvolve hela no persiza investimentu barak liu iha área rekursu umanus liu-liu atu oinsa mak bele iha balansu jeneru iha setór justisa nia laran.

JSMP agradese ba kolaborasaun autóridade iha Eskola Sekundaria Públiku Baqui, ne’ebé fasilita kordenasaun hodi realiza atividade ne’e no dezeńvolve relasaun diak ho JSMP no organizasaun siosidade sivil sira seluk.

Adjuntu diretór Sr. Domingos Anuno agradese ba prezensa JSMP tanba husi semináriu ne’e bele ajuda aumenta estudante sira nia kuiñesimentu. Aleinde ne’e, adjuntu diretór reforsa katak desde inisiu harii to’o ohin loron foin primeiravez iha organizasaun siosidade sivil hanesan JSMP ba fahe informasaun ba sira. Tanba ne’e sira sujere katak presiza tebes aktividade hanesan bele kontinua hala’o ba sira nia estudante iha futuro.

Aktividade semináriu ne'e realiza tanba hetan apoia orsamentu husi Ambassador Norwegia iha Jakarta Indonésia.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone:3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPTl